



Broj: 01-284/24
Datum, 15.04.2024. godine

Na osnovu člana 96. Zakona o osnovnom odgoju i obrazovanju („Službene novine Kantona Sarajevo“ br. 23/17, 33/17, 30/19, 34/20 i 33/21) a u vezi sa članom 70. stav (1) i stav (3) Zakona o javnim nabavkama Bosne i Hercegovine („Službene glasnik BiH“, br.39/14 i 59/22), nakon provedenog postupka Konkurentskog zahtjeva za dostavu ponuda putem e-aukcije, a na osnovu Izvještaja Komisije i Preporuke Komisije za javnu nabavku, u postupku javne nabavke „Nabavka organizacije Škole u prirodi za učenike IV razreda“, direktorica škole donosi

ODLUKU o izboru najpovoljnijeg ponuđača

I

Prihvata se Preporuka Komisije za javne nabavke, broj:01-238-1/24 od 15.04.2024. godine i ugovor za javnu nabavku usluga organizacije škole u prirodi, dodjeljuje se Babić Biss-tours d.o.o. Zenica za ponudenu cijenu od **13.800,00 KM** bez uključenog PDV-a, kao najbolje ocijenjenom ponuđaču, nakon održane e-aukcije.

II

Prijedlog ugovora o nabavki dostavit će se na potpis izabranom ponuđaču **Babić Biss-tours d.o.o. Zenica** po proteku žalbenog roka, računajući od dana kada su svi ponuđači obaviješteni o izboru najpovoljnije ponude.

III

Za izvršenje ove odluke zadužuje se i ovlašćuje uprava škole.

IV

Ova odluka objavit će se na web-stranici škole, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-244-1/24 od 25.03.2024. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a je 19.658,00 KM.

Obavijest o nabavci broj: 3074-7-2-68-3-6/24 objavljena je na Portalu javnih nabavki, 29.03.2024. godine.

Komisija za javnu nabavku imenovana je Odlukom broj: 01-77-2/24 od 29.01.2024. godine.

Komisija za javnu nabavku dostavila je Zapisnik sa otvaranja ponuda, Zapisnik o ocjeni ponuda i Preporuku o izboru najpovoljnijeg ponuđača, u postupku javne nabavke usluge organizacije škole u prirodi za učenike IV razreda.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4;
- da su blagovremeno zaprimljene 4 ponude;
- da nije bilo neblagovremeno zaprimljenih ponuda;
- da je ponuda ponuđača Babić Biss-tours d.o.o. Zenica i Centrotrans d.d prihvatljiva, dok je ponuda ponuđača Avy Travel Agency d.o.o. ocijenjena kao neprihvatljiva, a ponuda Prevoz putnika d.o.o. kao nepravilna.

Komisija za javnu nabavku je u toku pregleda ponude ponuđača Avy Travel Agency d.o.o., konstatovala da je ponuda ponuđača sadržavala određene manjkavosti. Naime, tačkom C) tenderske dokumentacije, uslovi za kvalifikaciju ponuđača, propisano je da je ponuđač dužan dostaviti sljedeće dokaze. a) Aktuelni izvod iz Sudskog registra ili Rješenje o upisu u Sudski registar ili izjava/potvrda nadležnog organa iz koje se vidi da je ponuđač registrovan za obavljanje ove djelatnosti koja je predmet ove nabavke. Tenderskom dokumentacijom je propisano da se dokazi sposobnosti obavljanja profesionalne djelatnosti dostavljaju kao originali ili ovjerena kopija originala. Uvidom u sudski registar ponuđača Avy Travel Agency d.o.o., komisija je ustanovila da je ponuđač u ponudi dostavio fotokopiju ovjere u boji, što je u potpunosti u suprotnosti sa uslovima traženim u TD. U slučaju da se u ponudi ne dostavi navedeni dokument na način kako je traženo u TD, ponuđač će biti isključen iz daljeg učešća zbog neispunjavanja navedenog uslova za kvalifikaciju.

Daljim pregledom ponude ponuđača Avy Travel Agency d.o.o., komisija je uočila da je ponuđač u Obrascu za ponude (Prilog I TD) upisao jediničnu cijenu umjesto ukupne cijene koja se tražila.



Uzimajući u obzir naprijed navedeno, s obzirom da ponuđač nije dostavio kvalifikacione dokumente tražene tenderskom dokumentacijom komisija za javnu nabavku cijeni da je ponuda ponuđača Avy Travel Agency d.o.o. neprihvatljiva. Pregledom ponude ponuđača Prevoz putnika d.o.o Zavidovići, Komisija je utvrdila da je ponuđač propustio dostaviti Prilog IX Obrazac sadržaja ponude. U dijelu d) Podaci u ponudi, u stavci 1) Sadržaj ponude i način izrade ponude, su taksativno navedeni prilozi koje je potrebno da ponuda sadrži, te je propisano da ponuda mora sadržavati sve navedene elemente, kako bi se smatrala potpunom i da će ponude koje ne budu sadržavale sve tražene elemente biti odbačene. Uzimajući u obzir naprijed navedeno komisija za javnu nabavku cijeni da je ponuda ponuđača Prevoz putnika d.o.o Zavidovići nepravilna.

Početna rang lista prihvatljivih ponuda prije održavanja e-aukcije koje ispunjavaju uslove iz Tenderske dokumentacije

Naziv / ime ponuđača		Ponuđena cijena (bez PDV-a)
1.	Babić Biss-tours d.o.o. Zenica	19.658,00 KM
2.	Centrotrans d.d. Sarajevo	19.658,00 KM


Konačna rang lista prihvatljivih ponuda nakon održavanja e-aukcije koje ispunjavaju uslove iz Tenderske dokumentacije

Naziv / ime ponuđača		Ponuđena cijena (bez PDV-a)
Babić Biss-tours d.o.o. Zenica		13.800,00 KM
Centrotrans d.d. Sarajevo		13.840,00 KM

Uvidom u priloženu dokumentaciju, nesporno je da je izabrani ponuđač najbolje ocijenjen zbog: **najniže cijene.**

Ugovorni organ je nakon pregleda sve dokumentacije odlučio da prihvati preporuku Komisije za javne nabavke i ugovor o nabavci usluga organizacije škole u prirodi za učenike IV razreda dodijeli ponuđaču **Babić Biss-tours d.o.o. Zenica.** za ponuđenu cijenu od 13.800,00 KM bez uključenog PDV-a, nakon provedene e-aukcije, obzirom da je u predmetnom postupku ponudio najnižu cijenu tehnički zadovoljavajuće ponude. Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi putem Ugovornog organa najkasnije u roku od 5 (pet) dana od dana prijema ove odluke.



Direktorica škole

Nusreta Jamaković, mr.

Dostaviti:

- 1x Ponuđaču: Babić Biss-tours d.o.o. Zenica
- 1x Ponuđaču: Centrotrans d.d. Sarajevo
- 1x Ponuđaču: Avy Travel Agency d.o.o.
- 1x Ponuđaču: Prevoz putnika d.o.o Zavidovići
- 1x a/a